



Ulloq 1. juuli 2020 aallarnerfigalugu ATV-nut qamuterallannullu akitsuutit peeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

(Siullermeerneqarnera)

Matumani siunnersuummi pivarput qamuterallannut ATV-nullu akitsuutit peerneqarnissaannut tunngasoq, tamannalu inuutissarsiornermut taamatullu inunnut ataasiakkaanut iluaqusiisussaavoq. Ataasiakkaat kiffaanngissuseqarnerulissapput aamma innuttaasut pissakinnerit periarfissaqalissapput motorilinnik taamaattunik ingerlatitaarnissaminnut. Peqataanillu qularutissaanngilaq siunnersuut aamma namminersorlutik suliffiutilinnut tamakkunanga atuisunut iluaqusiisussaammat. Taamaattumik oqaatigissavara siunnersuut Demokraatini tapersorsorluinnaratsigu.

Inatsisartunut ilaasortaq Justus Hansen nersualaartariaqarpoq qulequtaq qaqimmagu.

Puigussanngilarpummi Aningaasaqarnermut Akileraartarnermullu Ataatsimiititaliami amerlanerussuteqartut Siumumeersut Demokraatineersullu 2018-mi ukiakkut Ataatsimiinnermi oqarmata pineqartoq isumassarsiatsialaasoq. Ajoraluartumilli Naalakkersuisut siunnersuutertik tunuartippaat Naalakkersuisunit kissaatigineqarmat, akitsuutinut oqilisaaneq innaallagissamut biilinullu innaallagiatorlutillu benzinartortunut akitsuutinik qaffaanermit taputartuunneqassasoq.

Tamannalu tunngavigalugu Demokraatini isumaqarpugut, Inatsisartuni amerlanerussuteqartut siunnersuut tapersorsoraat aamma neriuppugut ukiup affaata matuma siorna amerlanerussuteqartut isumaat allanngorsimassanngitsoq.

Maluginiarparput Naalakkersuisut allannguutissamik siunnersuuteqarsimasut. Tassunga allannguutissatut siunnersuummut oqaatigissavara, assigiinngissutaasutuaq tassaammat, Naalakkersuisut kissaatigimmassuk qamuterallannut ATV-nullu akitsuummik paaaneq iluanaarutaananilu ajunaarutaassanngitsoq. Allatut oqaatigalugu akileraarutininik akitsuutinillu allanik nassaartoqartariaqarpoq. Demokraatini tassunga isumaqataanngilagut. Isumaqarpugut nunatsinni akileraartarneq akitsuusersuisarnerlu millisariaqartut. Taamaattumik siunnersuutip akitsuutinik nutaanik imaluunniit akitsuutinik allanik qaffaanikkut matussuserniarneqarneranut isumaqataanngilagut.

Tamanna tunngavigalugu siunnersuutaqqartup akuerineqarnissaa inassutigaarput innersuussutigalugulu Aningaasaqarnermut Akileraartarnermullu Ataatsimiititaliami suliareqqinneqassasoq.